

www.BibleForChildren.org


Matyu 8



Bati aiyel koboonaqa Kana qure agi Galili sawaq di unu dia tamu bei unu ban ojqa bati brantej. Deqa tamu ungasari nangi koroosib ingi goiyeb. Anjam qarinyonab Yesus aqa ai a koro deq gilej. Yesus aqa angro nangi ti dego metnjrnab koro deq gileb.



Koroosib ingi uyeqnabqa wain saiinjrnaga Yesus aqa ai na minjej, "Nangi wain saiinjrqo." Onaqa aqa ai na kangal tamo nangi endegsi minjrej, "Yesus a anjam kiye merngimqa di dauryiy."



Ariya Yesus na kangal tamo nangi minjrej,
"Ya nobu di maqteleniy." Onaqa nangi ya
nobuq di ya qamelejonab magej. Onaqa
Yesus na olo minjrej, "Ya bei tigsib osi
gilsib goiyo lanja a yiy."



Onaqa kangal \tamo nangi Yesus aqa
anjam di dauryosib ya bei tigsib
osi gilsib goiyo lanja a yeb.



Ya di Yesus na bulkyonaq wain babej. Wain babonaqa goiyo lanja a uyo oneiyosiq marej, "Endi wain bolequja." Wain di qabe na bej di a qaliesai. Kangal tamu ya tige b qaji nangi segi qalie. Onaqa goiyo lanja a na tamu unja ban oje b qaji di metonaq aqa areq bonaq minjej ...



... "Bati gaigai tamō nangi ingi goiyoqnsib wain qaqatiŋ
bole namo tamō nangi anainjreqnab uyeqnub. Uyeqnab
olo bunu wain qaqatiŋ bolesai
di anainjreqnub. Ariya ni
degyosai. Ni wain qaqatiŋ
bole tentosim namo wain
qaqatiŋ bolesai
anainjronum
uyonub olo bunu
wain qaqatiŋ bole
anainjronum."



Yesus a Kana qureq di manwa di
babtej. Kana qure agi Galili sawaq
di unu. A nami manwa bei
babtosaioqnej. Bati
di qujai a na manwa
babtqa utru atej.




Manwa dena a na aqa segi ñam koba ti aqa singila
koba ti boleq atej. Onaqa aqa angro
nangi manwa diunsibqa
a qa nango areqalo
singilateb.



Onaqa Yesus a Pita aqa tal gogetosiq a Pita aqa
mimibe makobaiyonaqa jejamu kanjanyaq bijalq
di neiesonaq unej.



Unsiqa aqa ban ojsiqa tigeltonaqa aqa jejamu kankan
di koboonaqa a tigelosiqa ingi goiyetej.




Seŋ aiyeqnaqa qure deqaji tamo ungasari ma utru
segi segi so qaji nangi ti mondor uge uge na
ojeleno qaji nangi ti
nango was nangi na
joqoqnsib Yesus aqa
areq boqneb. Boqnsib
Yesus soqnej qaji tal
meq di korooqneb.



Onaqa Yesus na tamo ungasari kalil ma ti soqneb qaji nangi boletnjroqnej. Osiqa mondor uge nangi dego winjroqnej. Mondor uge nangi di Yesus qa qalieeb deqa nangi aqa ñam ubtqa mareqnab a na nangi saidnjroqnej.



Aqa jejamuq na singila gileqnaqa tamoma ti kalil
nango ma kobooqnej. Deqa nangi kalil aqa
jejamuq di nango
baŋ atqa maroqnsib
baŋ waiyoqnsib
ojoqneb.



Onaqa tamo qolqe nangi na tamo bei jejamu laiyej qaji
a saperaq di atsibqa qoboiosib Yesus aqa
talq osi beb.



Osi bosib nam ateb di tamo
ungasari gargekoba nangi siranme
junonab unjreb. Deqa nangi Yesus aqa
areq gilqa keresaiinjrnaqa tal quraq
oqsib goge na waqtosibqa tamo sapera
qoji gulaintosib ura
uratonab Yesus
aqa areq aiyej.




Onaqa Yesus a nango areqalo
unej di nango areqalo qujai
Yesus na tamo jejamu
laiyej qaji di boletqa
kere. Degsi unsiq
deqa Tamo di
minjej, "O ijo angro,
ino une kalil e na
kobotetmonum."
"E ni mermqai. Ni
tigelosim ino sapera
osim ino talq gile."



Osiqa Yesus a qobuŋ gogetonaqa aqa angro nangi a
dauryosib koba na qobuŋ gogetosib
gileb. Nangi gileq nabqa Yesus
a qobuŋ miligiq di ŋeisiq
qambuntej. Onaqa jagwa
tulaŋ koba tigelosiq ya
korkortosiqa qobuŋ
qaloqnsiqa morman
miligiq aiyeqnaqa
ya maqej.



Onaqa Yesus a tigelosiq a minjrej, "Ningi e qa nungo areqalo singilatqa yonub tulan keresaiingwo. Ningi kiyaga ulaonub?" Degsi minjrsiq a jagwa ti ya ti nirinjnarnaqa nangi laeb. Onaqa Yesus aqa angro nangi are koba qalsib segi segi maroqneb, "Yesus a tamo kiyero deqa jagwa ti ya ti minjrqoqa aqa anjam qusib laonub?"



Qotei aqa Niri qujai unu. Qotei na
tamo ungasari kalil mandamq endi
unub qaji nangi tulan qalaqalainjrsiq
deqa aqa segi Niri qujai di
nangi enjrej.



A endegsi are qalej, 'Tamo ungasari
nangi ijo Angro qa nango areqalo
singilatqab di nangi padalqasai. Nangi
nambile gaigai sqab.' Qotei a degsi
are qalsiq deqa aqa segi Niri
qujai nangi enjrej.



Rom 3:23

Iga kalil une ateqnum deqa iga lan
qureq oqsim dia Qotei itqa keresai.

Rom 6:23

Une na aqa kangal tamo nangi awai enjreqnu. Awai
agiende. Nangi moreneqnu. Ariya Qotei na iga ingi
boledamu lana egeqnu. Ingi boledamu di agi iga nambile
gaigai sqom. Nambile di iga gago Tamo Koba Yesus
Kristus aqa wau na oqom.

Hibru 9:27

Iga qalie, tamo kalil nangi bati qujai qa moiyeqnu.
Mondon nangi Qotei aqa ulatamuq di brantib a
nango une qa nangi peginjqas.



Efesus 2:8,9

Ningi Yesus qa nungo areqalo singilatonabqa Qotei a ningi qa are boleiyej. Aqa kumbra dena a na ningi elenej. Ningi wau bole yonab dena Qotei na ningi elenosai. Qotei a ningi lana elenej awai saiqoji. Od, ningi wau bole yonab dena Qotei na ningi elenosai. Deqa ningi nungo segi ñam soqtqa keresai.

Rom 10:9,10

Deqa ningi nungo medabu waqtosib Yesus a segi qujai Tamo Koba unu degsib boleq di mariy. Osib Qotei a Yesus subq na olo tigeltej anjam di nungo are miligiq di singilatiy. Ningi degyqab di Qotei na ningi elenqas. Gago are miligiq na iga Yesus qa gago areqalo singilateqnum deqa Qotei na iga tamo bole une saiqoji qa mergeqnu. Gago medabu na iga Yesus aqa ñam soqtoqnsim boleq di mareqnum deqa Qotei na iga elenejqnu.



Joh 3:16,17

Qotei aqa Niri qujai unu. Qotei na tamo ungasari kalil mandamq endi unub qaji nangi tulan qalaqalainjrsiq deqa aqa segi Niri qujai di nangi enjrej. A endegsi are qalej,

'Tamo ungasari nangi ijo Angro qa nango areqalo singilatqab di nangi padalqasai. Nangi nambile gaigai sqab.' Qotei a degsi are qalsiq deqa aqa segi Niri qujai nangi enjrej. Qotei a tamo ungasari mandamq endi unub qaji nango une qa peginjrqa marsiq aqa Niri qarinyosai.

A nangi elenam nangi padalaib deqa osiq aqa Niri qarinyonaq mandamq aiyej.



1 Joh 5:11-13

Qotei aqa anjam agiende. A na iga nambile gaigai sqajqa marsiq nambile egej. Nambile di Qotei aqa Niri aqaq di unu. Tamo bei a Qotei aqa Niri beteryesqas di a nambile oqas. Ariya tamo bei a Qotei aqa Niri beteryesqasai di a nambile oqasai.

O ijo was, ningi Qotei aqa Niri aqa ñam qa nungo areqalo singilateqnub. E na anjam endi nengrenyosim nungoq qarinyonum. Di kiyaga? Ningi bole qalieqajqa, ningi nambile gaigai sqab.



Matyu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Anjam Bible (boj) © 2014, Wycliffe Bible Translators,
Inc. All rights reserved

<https://live.bible.is/bible/BOJWBT/MAT/1>

©2024 Bible for Children, Inc.

www.M1914.org

www.bibleforchildren.org

